



KEMENTERIAN PERDAGANGAN DALAM NEGERI
DAN HAL EHWAL PENGGUNA

KERATAN AKHBAR DAN MEDIA ONLINE UNTUK MAKLUMAN :

**Y.B. MENTERI
Y.B. TIMBALAN MENTERI
Y.BHG. KSU
Y.BHG. TKSU (PDN)
Y.BHG. TKSU (PUP)
SETIAUSAHA AKHBAR**

22 SEPTEMBER 2021 (RABU)



KEMENTERIAN PERDAGANGAN DALAM NEGERI
DAN HAL EHWAL PENGGUNA

KERATAN AKHBAR DAN MEDIA ONLINE (KPDNHEP)

22 SEPTEMBER 2021 (RABU)

Lebih banyak jenama kit ujian pantas masuk pasaran

Kuala Lumpur: Lebih banyak jenama kit ujian pantas antigen COVID-19 akan dijual di pasaran bagi memberi persaingan perniagaan, sekali gus mendorong harganya diturunkan.

Menteri Perdagangan Dalam Negeri dan Hal Ehwal Pengguna, Datuk Seri Alexander Nanta Linggi, berkata setakat ini 16 jenama sudah diluluskan oleh Pihak Berkuasa Peranti Perubatan (MDA) Kementerian Kesihatan (KKM) untuk dipasarkan dan lebih banyak lagi jenama akan diluluskan.

"Semua produk yang berada di pasaran adalah yang diluluskan untuk dijual. Sekarang lebih 16 (jenama yang sudah diluluskan) pada peringkat pertama dan Menteri Kesihatan juga inginkan kita lipat gandakan (jumlah) jenama ini supaya ada persaingan, sekali gus dapat menurunkan harga kalau banyak lagi jenama dijual," katanya pada persidangan Dewan Rakyat, semalam.

Beliau menjawab soalan tambahan Abdul Latiff Abdul Rahman (PAS-Kuala Krai) yang bertanyakan sama ada kit ujian di pasaran ketika ini terbukti berkesan dalam membendung penularan COVID-19.

Sebelum ini, Kementerian Perdagangan Dalam Negeri dan Hal Ehwal Pengguna (KPDNHEP) menetapkan harga siling kawalan kit ujian sendiri COVID-19 pada harga RM19.90 bagi jualan runcit manakala RM16 bagi jualan borong bermula 5 September lalu.

Menjawab soalan asal Cha Kee Chin (PH-Rasah), Alexander berkata, keputusan untuk menurunkan harga kit ujian ini harus dilaksanakan dengan teliti memandangkan Kementerian perlu mengambil kira kepentingan semua pihak serta merumuskan pendekatan 'menang-menang'.

"Kementerian perlu mengambil kira sudut pandangan industri berkaitan supaya mereka dapat meneruskan kelangsungan perniagaan. Kementerian akan terus mengadakan sesi libat urus bersama KKM serta mengambil kira perbincangan dan pandangan pemegang pemegang taruh dalam industri kit ujian sendiri COVID-19 termasuk fasiliti farmasi dan klinik.

"Penelitian dari segi kos pengeluaran dan kos pengimportan perlu turut diambil kira sebelum kita merumuskan harga maksimum yang baharu," katanya.

Harga kit ujian pantas Covid-19 akan diturunkan



ALEXANDER

Kuala Lumpur: Harga kit ujian pantas antigen Covid-19 akan diturunkan selepas Kementerian Perdagangan Dalam Negeri dan Hal Ehwal Pengguna (KPDNHEP) mengadakan sesi libat urus dengan semua pemegang taruh.

Menurutnya, Datuk Seri Alexander Nanta Linggi berkata, keputusan menurunkan harga kit ujian pantas ini perlu dilaksanakan dengan pe-

nelitian memandangkan KPDNHEP mengambil kira kepentingan semua pihak serta merumuskan pendektan menang-menang.

Menurutnya, kementerian mengambil kira sudut pandangan industri yang berkaitan supaya mereka dapat meneruskan kelangsungan perniagaan.

"Kementerian akan terus mengadakan sesi libat urus bersama Kementerian Kesi-

hatan Malaysia (KKM) serta mengambil kira perbincangan dan pandangan pemegang taruh dalam industri kit ujian pantas antigen Covid-19 termasuk fasiliti farmasi dan klinik.

"Penelitian dari segi kos pengeluaran dan kos pengimportan perlu turut diambil kira sebelum kami merumuskan harga maksimum yang baharu," katanya dalam Sesi Waktu Pertanyaan-Per-

tanyaan Menteri di Dewan Rakyat, semalam.

Alexender (GPS-Kapit) berkata demikian bagi menjawab soalan dikemukakan **Chua Kee Chin (PH-Rasah)** yang mahu mengetahui adakah kerajaan akan menurunkan lagi harga maksimum kit ujian pantas antigen Covid-19 bagi membolehkan lebih ramai rakyat mampu membeli khususnya B40.

Ketika menjawab soalan tambahan dikemukakan Kee Chin, Alexender berkata, KPDHEP memastikan kit ujian pantas antigen Covid-19 di pasaran sudah diluluskan Pihak Berkuasa Alatan Kesihatan (MDA) di bawah seliaan KKM.

Katanya, setakat ini 16 jenama kit ujian pantas antigen Covid-19 yang sudah diberikan kelulusan untuk dijual kepada pengguna mengikut spesifikasi ditetapkan MDA.

KPDNHEP kaji turunkan harga produk berkaitan Covid-19

PETALING JAYA – Kementerian Perdagangan Dalam Negeri dan Hal Ehwal Pengguna (KPDNHEP) sedia mempertimbangkan cadangan supaya harga semua produk berkaitan Covid-19 dapat diturunkan pada masa akan datang.

Menterinya, Datuk Seri Alexander Nanta Linggi berkata, cadangan yang dikemukakan itu sangat baik agar semua golongan masyarakat dapat menggunakan produk itu pada harga lebih rendah.

Bagaimanapun, katanya, sebarang keputusan berkaitan cadangan itu akan dibuat selepas pihaknya membuat sesi libat urus bersama semua pemain industri supaya tiada pihak rasa dianiaya dan terjejas.

“Kita akan memperhalusi perkara-perkara yang telah disebut tadi dengan sewajarnya kerana ia merupakan satu cadangan yang baik dengan menurunkan lagi harga kit ujian pantas antigen dan juga alat-alat yang lain.

“Kementerian akan mengkaji kesemua faktor yang telah saya nyatakan dengan mengambil kira pendekatan yang terbaik dengan membuat libat urus bersama semua pemain industri kerana kita



KAKITANGAN sebuah farmasi menunjukkan kit ujian sendiri yang dijual di premisnya di Pasar Raya KB Mall, Kota Bharu baru-baru ini.

tidak mahu ada yang rasa dianiaya dan terjejas,” katanya pada Sidang Dewan Rakyat semalam.

Beliau berkata demikian bagi menjawab pertanyaan Cha Kee Chin (**PH-Rasah**) yang mencadangkan kerajaan menetapkan harga siling bagi produk berkaitan Covid-19.

Antara alatan tersebut adalah seperti alat sanitasi (*gun spray*), mesin pembersih udara dan juga unit peranti bagi memantau ta-

hap oksigen atau *pulse oximeter*.

Pada masa sama, Nanta berkata, pihaknya juga akan sentiasa melakukan pemantauan harga terhadap produk tersebut.

Katanya, sepanjang tempoh pemeriksaan serta pemantauan ke atas penjualan kit ujian pantas antigen bermula 5 September hingga 20 September lalu, sebanyak 2,261 premis telah diperiksa membabitkan 123 premis borong dan 2,138 premis runcit.

ENGAGEMENT SESSIONS

Safeguarding interests of all on self-test kit price

THE proposal to lower the ceiling price of Covid-19 self-test kits must be studied by taking into account the interests of all parties and cannot be done in haste, the Dewan Rakyat was told.

Domestic Trade and Consumer Affairs Minister Datuk Seri Alexander Nanta Linggi said the implementation of the proposal must be able to create a win-win situation between the consumers, manufacturers and traders.

"The ministry will continue to hold engagement sessions with the Health Ministry, taking into account the views of all stakeholders, as well as the production and import costs, before the decision to lower the price (of self-test kits) is made," he said during the Minister's Question Time yesterday.

Nanta was answering a ques-

tion from Cha Kee Chin (PH-Rasah) who wanted to know whether the ministry would further lower the ceiling price of the Covid-19 self-test kit, which was currently set at RM19.90, to enable more people to afford it, especially the B40.

Cha suggested that the ceiling price of the test kit be reduced in stages from RM15 to RM5.

In reply to Cha's supplementary question on setting a ceiling price for other products, such as the "spray guns" (for sanitation), pulse oximeters and air purifiers, which are now widely used by the people, Nanta said the proposal would also be scrutinised.

Earlier last month, the ministry set the maximum retail price for a set of Covid-19 self-test kit at RM19.90, while the wholesale price was set at RM16 effective Sept 5.



Datuk Seri Alexander Nanta Linggi

Nanta said so far, there were 16 brands of self-test kits that had been approved by the Medical Device Authority and it would be added from time to time to create price competitiveness in the market and prices could be lowered.

Nanta also said the ministry was always carrying out enforcement to ensure that traders and manufacturers complied with the set ceiling prices.

He added that from Sept 5 to 20, a total of 2,261 premises were inspected, involving 123 wholesalers and 2,138 retailers. Ten traders, who sold the kits above the set ceiling price, were issued warnings. **Bernama**

Ceiling price decision cannot be rushed, says Nanta

THE government cannot rush to further lower the ceiling price of Covid-19 self-test kits as the interest of all parties must be taken into account, says Domestic Trade and Consumer Affairs Minister Datuk Seri Alexander Nanta Linggi.

"The decision to reduce the price of the self-test kits must be implemented carefully and not rushed as the ministry wants a win-win solution.

"The ministry will have to consider the views of related industry players so they can ensure the sustainability of their business," he

said when answering a question from Cha Kee Chin (PH-Rasah) during Question Time.

The question was whether the ministry would set a lower ceiling price for items besides Covid-19 self-test kits such as sanitisation spray guns, pulse oximeters and air purifiers.

Cha suggested that the ceiling price of the test kits be reduced in stages from RM15 to RM5 compared to the current RM19.90 to enable more people to afford them, especially the B40.

Nanta said the best approach was

for the ministry to engage with all levels of the industry so that no party would feel mistreated or affected, including traders, consumers, wholesalers and anyone who needs those items.

He said the decision must also benefit consumers so they remain free from Covid-19 infections.

He also said from Sept 5-20, 123 wholesale premises and 2,138 retail premises selling self-test kits were inspected.

He said 10 warnings were issued to traders for selling above the ceiling price.



Fair trade:
The Domestic Trade and Consumer Affairs Ministry wants a win-win solution to the Covid-19 self-test kit price issue.

KEMELUT AYAM MAHAL

333 pembekal setuju turun **RM9.50** sekilo

Oleh Ruwaida Md Zain
am@metro.com.my

Shah Alam

Kemelut harga ayam yang berlarutan sejak dua minggu lalu dijangka berakhir apabila 333 peruncit dan pembekal ayam di negeri ini bersedia menurunkan harga ayam sebagaimana disarankan Kementerian Perdagangan Dalam Negeri dan Hal Ehwal Pengguna (KPDNHEP).

Pengerusi Jawatankuasa Tetap Hal Ehwal Agama Islam, Hal Ehwal Pengguna dan Industri Halal, Mohd Zawawi Ahmad Mughni berkata, maklum balas itu diterima susulan pemeriksaan ke atas 339 premis berkenaan antara 13 hingga 19 September lalu berikutan kenaikan mendadak harga ayam di pasaran.

"Hasil pemeriksaan mendapati peniaga ayam di sekitar Selangor memberi kerjasama baik untuk membuat semakan semula dan menurunkan harga jualan.

"Sejumlah 247 premis (72.86 peratus) premis sedia menjual pada harga lebih rendah disarankan iaitu RM9.50 sekilogram, manakala 86 (25.36 peratus) premis bersetuju membuat perubahan harga jualan dengan menurunkan harga secara serta-merta kepada RM9.50 sekilogram.

"Bagaimanapun, enam (1.76 peratus) premis setuju secara bersyarat menurunkan harga iaitu apabila pembekal dapat menjual dengan harga borong lebih rendah," katanya dalam sidang media selepas Walkabout Peman-tauan Harga Ayam di Pasar

Moden Seksyen 6, di sini, semalam.

Turut hadir, Pengarah KPDNHEP Selangor, Muhammad Zikril Azan Abdullah.

Mohd Zawawi berkata, terkini harga purata jualan runcit ayam dijual antara RM8.50 sehingga RM9.50 sekilogram.

"Ini bermakna majoriti peniaga dan pemborong sedia mengurangkan harga bagi membantu pengguna mendapatkan ayam pada harga lebih berpatutan.

"Harga ini hasil semakan semula dan perubahan harga dibuat peniaga ketika pemeriksaan penguatkuasaan dijalankan penguat kuasa KPDNHEP Selangor," katanya.

Beliau berkata, secara keseluruhannya, kedudukan harga ayam di pasar awam utama dan premis runcit di seluruh Selangor menunjukkan prestasi baik dengan kerjasama daripada peniaga yang patuh untuk menurunkan harga jual.

"Contohnya Pasar Awam Pekan Subang, Pasar Selangor Baru, Gombak dan Pasar Awam Sungai Pelek, Sepang sebelum ini menjual ayam pada harga RM10 sekilogram dan menurunkan harga kepada RM9.50.

"Pasar Awam Kajang yang menjual ayam pada harga RM9.90 sekilogram menjadi RM9.50 sekilogram. Begitu juga peniaga di Pasar Awam Bukit Sentosa, Kuala Kubu Bharu dan Pasar Awam Sungai Besar, Kuala Selangor," katanya.

Justeru itu katanya, perkembangan itu menunjukkan kedudukan harga ayam di pasaran Selangor kini, dalam situasi terkawal dan stabil.



PENIAGA di Pasar Moden Seksyen 6, Shah Alam bersetuju jualan runcit ayam dijual RM8.50 sehingga RM9.50 sekilogram bagi membantu pengguna mendapatkan harga ayam lebih berpatutan.



MOHD Zawawi (kanan) memantau harga ayam di Pasar Moden Seksyen 6, Shah Alam susulan berlaku kenaikan harga di beberapa tempat di Selangor.

HARI :

RABU

TARIKH :

22/09/2021

M/SURAT :

3



Harga ayam dijual bawah RM9.50 sekilogram

Lebih 72 peratus penjual ayam setuju jual pada harga berkenaan atau lebih rendah

Oleh **ENGKU SHARIFUL AZNI**

SHAH ALAM

Sebanyak 72.86 peratus daripada 339 premis yang membekal dan menjual ayam di Selangor bersetuju untuk menjual pada harga lebih rendah atau pada RM9.50 sekilogram (kg).

Exco Hal Ehwal Agama Islam, Hal Ehwal Pengguna dan Industri Halal Selangor, Mohd Zawawi Ahmad Mughni berkata, pemeriksaan harian dijalankan di seluruh negeri tersebut memfokuskan kepada peniaga ayam di pasar awam dan basah dalam tempoh tujuh hari iaitu sejak 13 hingga 19 September lalu.

Menurutnya, pemantauan dilaksanakan oleh Kementerian Perdagangan Dalam Negeri dan Hal Ehwal Pengguna (KPDNHEP) Selangor tertakluk di bawah Akta Kawalan Harga dan Anti Pencatutan 2011 melalui mekanisme kawalan yang dikuatkuasakan melalui perundangan anti-pencatutan.

Mohd Zawawi berkata, premis-premis yang diperiksa terdiri daripada pembekal dan peruncit diperiksa susulan situasi kenaikan harga ayam yang mendadak di pasaran baru-baru ini.

"Daripada 339 premis yang diperiksa, sebanyak 86 iaitu 25.36 peratus) premis bersetuju membuat perubahan harga jual dengan menurunkan



Mohd Zawawi (tiga dari kiri) memantau harga ayam di Pasar Moden Seksyen 6, Shah Alam pada Selasa.

harga secara serta-merta kepada RM9.50.

"Selebihnya, sebanyak enam premis lain mewakili 1.76 peratus bersetuju secara bersyarat untuk menurunkan harga iaitu apabila pembekal dapat menjual dengan harga borong yang lebih rendah," katanya setelah mengadakan lawatan di Pasar Moden Seksyen 6, di sini pada Selasa.

Mohd Zawawi berkata, hasil pemeriksaan harga ayam yang dijalankan menunjukkan penurunan dan kestabilan harga runcit, iaitu harga purata jualan runcit ayam mula dijual di antara RM8.50 sehingga RM9.50.

Ujarnya, penurunan harga tersebut adalah hasil semakan semula dan perubahan harga yang dibuat oleh pihak peniaga semasa pemeriksaan oleh Penguatkuasa KPDNHEP Selangor.

"Secara keseluruhannya, kedudukan harga ayam di pasar-pasar awam utama dan premis runcit di Selangor menunjukkan prestasi baik dengan kerjasama daripada peniaga yang patuh

untuk menurunkan harga jual.

"Antara pasar awam yang mula menurunkan harga jualan ayam kepada RM9.50 adalah seperti Pasar Awam Pekan Subang; Pasar Awam Kajang; Pasar Selayang Baru di Gombak; Pasar Awam Bukit Sentosa di Kuala Kubu Bharu; Pasar Awam Sungai Pelek di Sepang dan Pasar Awam Sungai Besar di Kuala Selangor," katanya.

Dalam perkembangan lain, Mohd Zawawi berkata, KPDNHEP Selangor mengambil pendekatan menerusi sesi libat urus bersama peniaga di setiap peringkat rantaian bekalan ayam memberikan hasil yang positif apabila peniaga bersetuju memberikan kerjasama menurunkan harga masing-masing dan mengekalkan keuntungan yang munasabah.

Katanya, tindakan pengeluaran Notis Pengesahan Maklumat Barangan (NPBM) di bawah Seksyen 21, AKHAP 2011 juga dikeluarkan sebanyak dua notis kepada peniaga untuk mendapatkan maklumat terperinci.

FOTO: FACEBOOK KPDNHEP SELANGOR

Harga ayam turun RM8.50 sekilogram

Oleh MOHD. AZLI ADLAN
dan SYALMIZI HAMID

PETALING JAYA — Kementerian Perdagangan Dalam Negeri dan Hal Ehwal Pengguna (KPDNHEP) Terengganu dan Pulau Pinang mahu harga jualan ayam segar di negeri itu turun sehingga RM8.50 sekilogram (kg).

Usaha menurunkan harga itu hasil libat urus di peringkat rantauan pembekalan ayam hingga ke pasar basah.

Sebelum ini harga ayam standard di beberapa negeri telah mencecah RM10 kg sehingga menggusarkan pengguna terutama yang membeli di pasar basah. Di **Terengganu**, Pengarahnya, Saharuddin Mohd. Kia berkata, pihaknya telah memberi notis arahan kepada 33 pemborong dan peniaga ayam segar agar menurunkan harga antara RM8.50 hingga RM9.50.

"Pemborong dan peruncit yang menerima notis terbabit akur untuk menurunkan harga jualan masing-masing," jelasnya



KERATAN Kosmo! 7 September 2021.

semalam.

Ujarnya, arahan menurunkan harga itu diberikan terhadap dua pemborong dan 31 peniaga ayam segar di seluruh Terengganu.

Dalam perkembangan sama, Saharuddin berkata, sebelum ini, KPDNHEP negeri telah mengeluarkan 47 notis pengesahan maklumat barangan kepada pemborong dan peruncit terlibat berikutan kenaikan mendadak harga ayam segar sejak awal bulan ini.

Sementara itu di **Pulau Pinang**, Pengarah KPDNHEP negeri, Mohd. Ridzuan Ab.

Ghapar berkata, harga ayam segar di negeri itu turun kepada RM9.50 sekilogram selepas dijual mencecah RM10.30 sekilogram baru-baru ini.

"Hasil perbincangan di semua peringkat, harga ayam di seluruh negeri ini telah menunjukkan penurunan.

"Ia selaras dengan komitmen Kementerian dan penternak serta pemborong supaya peruncit boleh menjual ayam pada harga RM9.50 kg di pasar awam," katanya dalam satu kenyataan di sini semalam.

Mohd. Ridzuan berkata, pihaknya telah mengeluarkan 49 notis kepada penternak, pemborong dan peniaga berhubung isu sama membabitkan 37 keping Notis Pengesahan Maklumat Barangan/Perkhidmatan dan 12 lagi Notis Bertulis.

Kosmo! baru-baru ini melaporkan ayam segar yang dijual di pasar basah dijual dengan harga lebih RM10 kg disebabkan alasan beberapa faktor termasuk harga dedak yang mahal.



ANGGOTA penguat kuasa KPDNHEP Terengganu sedang memeriksa harga ayam di Pasar Besar Kedai Payang, Kuala Terengganu semalam.

KPDNHEP Pulau Pinang keluar 49 notis

Georgetown: Sebanyak 49 notis dikeluarkan Kementerian Perdagangan Dalam Negeri dan Hal Ehwal Pengguna (KPDNHEP) Pulau Pinang kepada penternak, pemborong dan peniaga di negeri ini, susulan kenaikan harga ayam.

Notis itu dikeluarkan ketika pemantauan dan pemeriksaan di pasar awam sekitar negeri ini, sejak 10 September lalu.

Pengarah KPDNHEP Pulau Pinang, Mohd Ridzuan Ab Ghapar berkata, pemantauan dan pemeriksaan itu

dijalankan ke atas rantai pembekalan ayam dan pasar awam bagi mengenal pasti punca kenaikan harga ayam.

Beliau berkata, 37 Notis Pengesahan Maklumat Barangan/Perkhidmatan (NPMB) dan 12 Notis Bertulis (NB) dikeluarkan kepada penternak, pemborong dan peniaga.

"Peniaga diberi tempoh dua hari bagi NPMB dan lima hari bagi NB bagi memberi maklumat berhubung kenaikan harga ayam untuk dianalisis.

"Seterusnya kami kenal pasti

kenaikan harga yang berlaku bagi memastikan tiada individu mendapatkan keuntungan tidak munasabah," katanya menerusi kenyataan, semalam.

Mohd Ridzuan berkata, KPDNHEP Pulau Pinang mengadakan sesi libat urus bersama penternak, pemborong dan peniaga di negeri ini bagi membantu menstabilkan harga ayam di peringkat rantai pembekalan serta di pasar awam.

Beliau berkata, hasil perbincangan itu, harga ayam di negeri ini menunjukkan penurunan.

• Ayam	RM7.90	• Telur Gred A	RM12.60	• Gula Pasir	RM2.80	• Cili Merah	RM11.99
• Daging Lembu Tempatan	RM35	• Ikan Kembung	RM15.90	• Bawang Besar Holland	RM2.80	• Kubis Bulat Tempatan	RM3.40
• Daging Lembu Import	RM29.90	• Minyak Masak	RM6.65	• Bawang Putih	RM6.89	• Tepung Gandum	RM2.30

**Harga (RM/kg) Sumber: KPDNHEP*

